

綱鑑易知錄

元

九十二之三

卷

特31

742

7

館藏書會育教本日大

四	四		二
八	六	四	九
冊	號	架	函

第三十六卷全七號

尺木堂綱鑑易知錄卷九

明正十九年五月七日交部省查付

周之炯靜專

山陰吳乘權楚材同輯

周之燦星若

元紀

成宗皇帝

名鐵木耳世祖之孫太子真金第三子也
在位十三年壽四十二歲而崩。帝承混

之後憂國愛民真守成令主末歲寢疾沉詔
諛之詞牽帷牆之制赤子陪危寇氛四起其不
遠亡國者蓋去世祖
未遠初政猶可觀爾

綱乙未成宗皇帝元貞元年春二月帝如上都綱翰

綱鑑易知錄

卷九

元成宗

七

趙孟頫論留葉優劣

李賢於夢

蘭州河清

林學士承旨雷夢炎致仕。上以其在先朝言無所隱厚賜遣之。初世祖嘗問夢炎葉李優劣於趙孟頫。對曰：夢炎，臣之父執。父同志之友也。其人重厚篤於自信，好謀能斷，有大臣器。葉李所讀之書，臣皆讀之，所知所能，臣皆知之。能之。世祖曰：汝以夢炎優於李邪？夢炎為宋狀元，至宰相，當賈似道，諛國依阿，取容。李以布衣，乃伏闕上書，是賢於夢炎也。廣觀孟頫論夢炎人及世祖右葉李而左夢炎於時不知孟頫之類會不為之厚乎。

綱 三月安南入貢。**綱** 夏閏四月蘭州屬陝西臨洮府河清。日上下三百

餘里。凡三日。非瑞也。見七四卷三。發明。 **綱** 六月陝西旱饑。秋

九月帝還大都。冬十二月立皇后伯岳吾氏。

綱 丙申二年春二月以不忽木為昭文館大學士平章軍國事段貞為平章政事。三月帝如上都。秋八月帝還大都。

綱 丁酉大德元年春正月以也先帖木兒為平章政事。帝如上都。**綱** 太后幸五臺山。日初為太后建寺

於五臺山。在山西太原府五臺縣。至是成。太后將臨幸之。監察

御史李元禮上疏言五臺山創建寺宇工役俱興供

李元禮諫太后幸五

億煩重民不聊生。伏聞太后臨幸五臺。尤不可者有五。盛夏禾稼方茂。民食所仰。騎從經過。不無蹂躪。各踐踏也。一也。親勞聖體。經冒風日。往復數千里。山川之險。萬一調養失宜。悔將何及。二也。天子舉動。必書簡冊。以貽萬世。書而不法。將焉用之。三也。財不天降。皆出於民。今日支持調去聲度。鐸百倍曩時。而又勞民傷財。以奉上木。四也。佛以慈悲為教。雖窮天下珍玩。供養不為喜。雖無一物為獻。亦不怒。今太后欲為兆民祈福。而先勞聖體。使天子曠定省。見八四卷七之禮。五也。

伏望同轅中道。端處深宮。上以循先皇后之懿範。次以盡聖天子之孝誠。下以慰元元。見上卷末之望。如此則不祈福而福自至矣。臺臣不敢以聞。其後侍御史萬僧與中丞崔彥邠有隙。取元禮章封入奏之。曰。崔中丞私比漢人李御史為大言。謗佛謂不宜建寺。帝大怒。敕完澤不忽木鞫。窮罪也。推之。完澤曰。往吾亦嘗以此諫。太后曰。我非喜建此寺。蓋先帝嘗許為之。非汝所知也。不忽木曰。他御史懼不敢言。言者惟元禮可賞也。完澤等人言之。帝沉思良久曰。御史言是也。

李元禮可賞

祇星出奎

乃罷萬僧復元禮職。綱秋七月祇星出奎。九月帝還大都。綱冬十月以吳元珪為吏部尚書。目時選曹

銓注多有私其鄉人者。元珪曰此風不可長。自視事請謁悉皆謝絕。綱禁諸王駙馬奪民田。仍禁民間以公私田呈

獻及受其獻者

綱戊戌二年春二月以張九思梁德珪並為平章政事。目初太子真金卒。朝議欲罷詹事院。九思時為詹事丞。抗言曰皇孫宗社人心所屬。視詹事正所以輔成道德者。奈何罷之。尋進拜中書左丞。德珪一名梁

梁德珪諫

定歲課三十取一

諳都刺世祖時參知政事。治事有敏才。京師地震。世祖怪州郡報囚之數過多。德珪曰當國者急於徵索。葛萬延收繫以致此爾。帝悟為去聲赦中外逋布平聲負。尋拜右丞。綱帝如上都。夏五月以何榮祖為平章政事。秋九月帝還大都。冬十二月定歲課三十取一。命廉訪司歲舉廉幹者各二人。綱彗星十三卷

見目出子孫星下。

綱己亥三年春正月遣使問民疾苦。綱以哈瞎上刺哈孫為左丞相。綱二月帝如上都。綱命何榮祖等更

定律令。帝諭榮祖曰。律令良法也。宜早定之。既而書成上之。且言臣所擇者三百八十一條。一條有該三四事者。帝曰。古今異宜。不必相沿。詔元老大臣聚聽之。未及頒行而榮祖卒。綱秋九月。帝還大都。冬十月。以阿魯渾薩里為平章政事。綱命兄子海山鎮漠北。海山帝兄答剌麻八剌之長子。帝以寧遠王闊闊出總兵北邊。怠於備禦。命海山即軍中代之。綱庚子四年春二月。皇太后弘吉刺氏崩。后有賢德。由昭睿順聖皇后執婦道甚謹。及尊為太后。后之

弘吉刺氏
有賢德

弟欲因后求官。后拒之曰。勿以累我也。崩諡徽仁裕聖皇后。綱二月。帝如上都。夏四月。以不蘭奚為平章政事。綱五月。昭文館大學士平章軍國事不忽木卒。贈魯國公。綱秋閏八月。帝還大都。綱辛丑五年秋八月。彗出井。入紫微垣。綱九月。禁酒。時以歲凶。禁酒仍弛。山澤之禁。聽民漁獵。綱壬寅六年春正月。詔收富民護持璽書。帝詔臺臣曰。聞江南富民侵占民田。致貧者流徙。卿等亦聞之否。對曰。富民多乞護持璽書。依倚以欺貧民。官

禁酒

府不能詰乞治宜悉追收為便命即行之母越三日

○二月帝有疾夏四月帝如上都五月太廟寢

殿災冬十月帝還大都

○癸卯七年春二月以阿老尾丁木八刺沙並為平

章政事○綱汰諸司冗冗本員字定中書省自左右丞

相而下平章政事二員左右丞各一員參知政事二

員定為八府○綱三月遣使巡行上天下罷賦汚官吏

七十三人審冤獄五千一百七十六事○綱復以鐵哥為平章政事帝

如上都○綱蘭谿今浙江金華府蘭谿縣處士金履祥卒目履祥

八府

通鑑

少從學同郡王柏見八九卷上及何基見同上之門二人蓋

得朱熹之傳者宋將亡遂絕意進取屏丙居金華山

中嘗以劉恕見七二卷上外紀恕作記司馬氏通鑑見同上

以前事不本於經外謬不可信乃斷短自尚書旁采

子諸史史記損益之作通鑑前編他如論孟大學諸經

傳及禮樂書各有注疏授其門人許謙以傳當時以

為基之清介純實似尹和靖見七六卷上柏之高明剛正

似謝上蔡謝良佐河南汝寧府上蔡縣人見七四卷上履祥則親得之

氏而並充於已者也居仁山之下學者因稱仁山先

仁山先生

生。至正順帝年號中賜諡文安。**綱**夏閏五月右丞相完澤

卒。秋七月以哈刺哈孫為右丞相阿忽台為左丞

相。**綱**八月地震。**目**平陽今山西平陽府太原今山西太原府尤甚。村

堡移徙地裂成渠壞怪廬舍萬八百區人民壓死不

可勝升計。詔問致災之由。齊履謙言地為陰而主靜

妻道臣道子道也三者失其道則地為去擊之不寧。弭

米之之道大臣當反躬責己去專制之威以答天變

不可徒為祈禳也。時帝寢疾宰臣及中官專政故履

謙言及之而集賢院名大學士陳天祥亦上書極陳陰

陽不和天地不位為時政之弊言尤切直執政者惡

之抑不以聞天祥自被召起且一歲每以不得一見

帝言鬱鬱不自釋尋復謝病歸**綱**九月帝還大都

復以木八刺沙為平章政事。十二月彗出紫微垣

綱甲辰八年春正月地震。二月帝如上都。秋九

月帝還大都。冬十月立海山為懷寧王。

綱乙巳九年春三月帝如上都。隕霜殺桑。**綱**夏四

月大同今山西大同府地震。**目**有聲如雷壞怪官民廬舍五

千餘間壓死二千餘人。**綱**六月立子德壽為皇太子。

三月隕霜殺桑

綱秋七月命兄子愛育黎拔力八達居懷州今河南懷慶府

目答刺麻八刺次子海山母弟也綱以段貞八都馬

辛並為平章政事八月給曲阜林廟灑掃戶綱買

古胡獻寶珠目西域賈人有獻珍寶求售者議以六

十萬錠酬其直省臣有謂左丞尚文者曰此所謂押

忽大珠也六十萬酬之不為過矣文問何所用之答

曰含之可不渴畏面可使目有光文曰一人含之

千萬人不渴則誠寶也若一寶止濟一人則用已微

矣吾之所謂寶者米粟是也有之則百姓安無則天

給曲阜林廟灑掃戶

押忽大珠

下亂以功用較之豈不愈於彼乎綱九月帝還大都

綱冬十二月太子德壽卒

綱丙午十年春閏正月以徹里阿散並為平章政事

綱二月帝如上都冬十一月帝還大都十二月有

疾

綱丁未十一年春正月安西王阿難答及諸王明里

帖木兒入朝綱帝崩廟號成宗國語稱綱左丞相阿

忽台等謀奉皇后臨朝以安西王攝政右丞相哈刺

哈孫遣使迎懷寧王海山於漠北及其弟愛育黎拔

哈刺哈孫迎懷寧兄弟

力八達於懷州。后以已嘗謀出愛育黎拔力八達及其母居懷州。至是恐其兄懷寧王立。必報前怨。乃命名安西王入京師。欲立之。而左丞相阿忽合平章賽典赤八都馬辛伯顏及諸王明里帖木兒陰左右俱去之。謀斷。短海山歸路。奉皇后垂簾聽政。立安西王輔之。時右丞相哈刺哈孫收百司符印。封府庫。稱疾守宿掖門。官掖之門內旨日數至。皆不聽。眾欲害之。未敢發。懷寧王適遣康里脫脫計事京師。哈刺哈孫令急還報。復遣使南迎愛育黎拔力八達於懷州。**綱**二

月愛育黎拔力八達至自懷州。誅阿忽合等。執阿難答歸於上都。**綱**夏五月懷寧王海山至上都。廢皇后伯岳吾氏居東安。殺之。誅安西王阿難答及諸王明里帖木兒。遂即位。大赦。以阿沙不花為平章政事。遣報兩宮愛育黎拔力八達。即侍其母弘吉刺。如來會於上都。**綱**追尊考曰順宗皇帝。尊母弘吉刺氏為皇太后。加哈刺哈孫朶兒朶海並太傅。阿沙不花太尉。以塔剌海為左丞相。牀兀兒乞台普濟明里不花並平章政事。六月立弟愛育黎拔力八達為皇太子。立弟為皇太子以牀兀兒不蘭奚並為平章政事。**綱**

秋七月封禿剌為越王。以手擒阿左遷右丞相哈剌

哈孫為和林。見上卷左丞相。以力諫禿剌之也以月赤

察兒為和林右丞相。進爵淇陽王。綱以塔剌海為右

丞相。塔思不花為左丞相。塔失海牙教化法。忽魯丁

制加孔子號曰大成

別不花並平章政事。綱制加孔子號曰大成。義廣呼

加吾夫子之尊號者。至元武宗可謂至矣。盡矣。不可

以有。加矣。後有欲尊吾夫子者。殆恐不及元人此舉

之為也。制曰。先孔子而聖者。非孔子無以明。後孔子

而聖者。非孔子無以法。所謂祖述堯舜。憲章文武。儀

範百王。師表萬世者也。可加大成至聖文宣王。遣使

賜諸王孝經

闕里。見二二二卷祀以太牢。牛曰於戲。父子之親。君臣之

義。求為聖教之遵。天地之大。日月之明。奚聲名言之

妙。尚資神化。祚我皇元。綱八月。賜諸王孝經。義廣賜諸

經者。歷代未嘗見。諸史冊也。元人此舉。深得。以孝治天下之旨。特書於冊。美可知矣。目中書右

丞。李羅帖木兒。以國字譯孝經。進詔曰。此孔子微言

王公庶民。皆當由是而行。命刻板摹印。諸王以下咸

賜之。綱以塔海為平章政事。九月。帝至上都。綱

冬。十二月。徵處士蕭𪔐。居為太子右諭德。目𪔐陝西

奉元人。初出為府史。語當道不合。即引退。力學三十

年不求進。鄉人有暮行遇盜。詭曰：我蕭先生也。盜驚

愕釋去。世祖蒞碎壁舉也。為陝西儒學提舉。不赴。後累

授集賢直學士。國子司業。改集賢侍讀學士。皆不赴。

至是徵也。拜太子右諭德。扶病至京師。入覲東宮書

酒誥。周書篇名。商受酏酒。天下化之。妹土商之都邑。其染惡尤甚。武王以其地封康叔。故作酒誥。教

之。為獻以朝廷。尚酒也。尋以病請解職。或問之。則

曰：禮東宮東面。師傅西面。此禮今可行乎。俄擢集賢

學士。國子祭酒。依前右諭德。疾作。固辭而歸。卒諡貞

敏。

蕭勣書酒誥為獻

綱目不滿蕭勣之意

靜而周氏口。凡徵處士不起者。則書不至。受職

而復還者。則書尋辭歸。或書尋遣歸。此通例也。

今蕭勣累徵不起。及至而以病辭歸。此何以不

書辭歸。而直書為太子右諭德。若真仕於朝者。

是蓋不滿之意也。勣既不欲仕。則亦已矣。況前

累召不起。今而扶病至京。向耶。原其心。不過向

之辟。為儒學提舉。未親君也。後之授為國子司

業。亦未親君也。迨至太子諭德。則志得意滿。雖

疾不辭。奈何禮貌既衰。疾作解職。又豈誠於恬

退者哉。綱目削去其辭歸。其不滿之意。可見耳。

武宗皇帝

名海山。答剌麻八剌之長子。成宗姪也。初

位四年。壽三十歲而崩。帝慨然欲創治。改法

而有為。故其封爵太濫。賜賚太泛。至元大德之

政。於是稍有變更云。

綱目戊申。武宗皇帝至大元年春。正月。以阿沙不花為

右丞相行御史大夫事。自初阿沙不花見帝容色日

悴乘閒閒。乘。空閒處。進曰。陛下八珍之味不知御萬金之

身不知愛。而惟麪麪。木。字。麪。木。擊。牙米也。作酒者。麪多藜則大苦。藜多則太甘。麪藜

若得中。然後成酒。商書。若作酒醴。爾惟麪藜。是耽。妃嬪是好。是猶兩斧伐孤

樹。未有不顛仆者。陛下縱不自愛。獨不思祖宗付託

之重。天下仰望之切乎。帝大悅曰。非卿孰為朕言。因

命進酒。阿沙不花頓首謝曰。臣方欲陛下節飲。而反

勸之。是臣之言不信。仲於陛下也。臣不敢奉詔。左右

皆賀。帝得直。臣遂授右丞相行御史大夫事。尋以太

兩斧伐孤樹

李邦寧辭平章

子請復入中書。既又賜爵康國公。綱三月。帝如上都。

綱以脫脫木兒為平章政事。綱夏六月。隴西今陝西

雲南地大震。綱加宦者李邦寧大司徒兼左丞相。自

邦寧在宋為小黃門。初從瀛國公宋恭宗入見世祖。問

給事內庭。至是帝欲以為浙江平章。辭曰。臣以闈腐

餘命前朝赦而用之。今陛下復欲置臣宰輔。臣聞宰

輔者。佐天子共治天下者也。奈何辱以寺人。闈腐。也。陛

下縱不臣。惜如天下後世何。誠不敢奉詔。帝大悅。加

大司徒。遙授左丞相。仍領太醫院事。綱秋七月。以答

思不花為右丞相乞台普濟為左丞相。綱八月諸路
水旱蝗。目江淮民採草根樹皮為食。而河南山東有
父食其子者。詔凡遣使賑貸之處。差稅並蠲。除之既
而。省臣言夏秋之間。鞏昌今陝西地震。歸德今河南
暴風。濟寧今山東兗州府濟寧州泰安今山東濟南府泰安州真定今直隸
府大水。民居蕩析。江浙饑荒之餘。疫癘大作。死者相
枕藉。父鬻其子。夫離其妻。哭聲震野。所不忍聞。是皆
臣等不才。猥當大任。以致政事乖違。陰陽失序。願退
位以避賢路。帝曰。災害事有由來。非爾等所致也。但

以西僧為
翰林學士

當慎所行。爾。綱九月。帝還大都。綱冬十月。以西僧教
瓦斑為翰林學士承旨。綱十一月。以乞台普濟為右
丞相。脫脫左丞相。閏月。太傅哈剌哈孫卒。諡忠獻綱
詔有司贖饑民所鬻子女。以赤因帖木兒為平章
政事。

綱己酉二年春正月。帝如上都。秋八月。復置尚書
省。以乞台普濟為右丞相。脫脫虎脫為左丞相。三寶奴
樂實為平章政事。保八為右丞。忙哥鐵木兒為左丞。
王巖參知政事。綱置太子右衛率同帥。太子官屬府。命

右丞相脫虎脫御史大夫不里牙敦領府事取河南
 蒙古軍萬人隸之王約曰左衛率府舊制有之今置
 右府何為諸公深思之不可以累儲宮也太子又命
 取安西兵器給宿衛士約謂詹事完澤曰詹事移文
 千里取兵器人必驚疑主上聞之奈何完澤愧曰實
 慮不及此家令薛居言陝西分地五事命往理之約
 不為去聲署行語去聲之曰太子潛龍也當勿用之時為
 飛龍之事可乎易乾卦初九潛龍勿用九五飛龍在天遂止太子喜諭
 羣下曰事未經王彥博字約議者勿啓綱九月帝還大

太子潛龍

都綱冬十一月以阿散為尚書左丞相行中書平章
 政事

綱庚戌三年春正月徵李孟入見以為平章政事同

知樞密院事李孟愛育黎拔力八達之傳也大德十

大都誅阿忽台等執阿難答歸上都遣使奉璽北迎

武宗遂自監國俾李孟參知政事孟曰執政大臣當

自天子親用今變輿在道孟未見顏色誠曰初孟既

不敢冒大任固辭勿許遂逃去不知所之目初孟既

逃去有譖於帝者曰內難初定時孟嘗勸皇太子見
 九自取帝弗之信一日太子侍內宴忽戚然改容帝
 曰吾弟何不樂太子從容起謝曰賴天地祖宗神靈

仁宗舉李孟

神器見二十卷有歸。然成今日母子兄弟之權者。李道

復孟字之功居多。適思之。不自知其變於色也。帝即命

搜訪之。得於許昌今河南開封府許州。陘刑山。召見。謂宰臣曰。

此皇祖妣命為朕賓師者。宜速任之。至是乃授中書

平章事。集賢名院大學士。同知樞密院事。綱立皇后弘

吉刺氏。二月寧王闊闕出謀反。流于高麗。以樂

實為尚書左丞相。三月帝如上都。夏五月。荆襄

大水。山崩。秋九月。帝還大都。

綱辛亥四年春正月。帝崩廟號武宗。國語稱曰曲律。皇帝。綱皇太子

罷尚書省。誅脫虎脫。三寶奴。樂實保。八王。罷流怙哥

鐵木兒于海南。皇太子以脫虎脫等變亂。舊章流

毒百姓。凡誤國者。欲悉按誅之。延慶使楊朵兒只諫

曰。為政而首尚殺。非帝王治也。太子感其言。特誅其

尤者。既而御史言脫虎脫等既正典刑。而黨附之徒

布在百司。若孛羅鐵木兒。闊里吉思。烏馬兒等。姦貪

害政。今中書方欲用為各省平章參政等官。宜加罷

黜。從之。綱仁宗速改其兄之不善。其賢於武宗也。綱以鐵

木迭兒為右丞相。完澤李孟並平章政事。綱召先朝

仁宗賢於武宗遠

臣名先朝舊

舊臣程鵬飛等十五人。臣名先朝諳知政務老臣程鵬飛董士選李謙張驢陳天祥尚文劉正郝天挺董士珍蕭蚪居劉敏中王思廉韓從益趙君信程文海十五人詣闕同議庶政天祥等五人不至謙至首陳九事正陳八事皆欲朝廷守成憲開賢路重名爵節財用興學校定律令舉切時弊。綱二月罷康里脫脫為江浙行省左丞相。綱三月皇太子即位大赦。綱寧夏地裂。綱遣宦者李邦寧釋奠見四二于孔子。綱邦寧既受命行禮方就位忽大風起殿上及兩廡燭盡

宦者行釋尊禮

仁宗不罪李邦寧

滅燭臺底鐵鐙有去入地尺許無不拔者邦寧悚息伏地諸執事者皆伏良久風息乃成禮邦寧因慚悔累日。初帝在東宮邦寧知三寶奴等畏帝英明乘閒言於武宗曰陛下富於春秋皇子和世球漸長父作子述古之道也未聞有子而立弟者武宗不悅曰朕志已定汝自往東宮言之邦寧慚懼而退。帝即位左右咸請誅之帝曰帝王歷數自有天命其言何足介懷加邦寧開府儀同三司為集賢院大學士。尋卒。綱秋閏七月賜李孟爵秦國公。綱孟感帝知遇

李孟長者之言

頗以國事為己任。見當時賜予太廣，名爵太濫，風俗太僭，擬無章。每勸帝言：人君之柄在刑與賞，刑不足懲，賞不足勸。何以為治？帝在懷州，見上深見吏弊。既即位，欲痛刻產除之。孟曰：吏亦當有賢者，在激厲之而已。帝曰：卿儒者，宜與此曹氣類不合，而曲為保護如此。真長者之言也。嘗謂之曰：朕在位，必卿在中。書賜爵秦國公，圖其像，命詞臣贊之。每入見，稱曰：道復而不名。綱增國子生為三百人。初，帝命李孟領國子學，諭之曰：國學人材所自出，卿宜數明課諸生。

陪堂生

伴讀

勉其德業。至是，又諭省臣曰：昔世祖注意國學，如不忽木等，皆蒙古元本人，而教以成材。朕今親定國子生為三百人，仍增陪堂生二十人，通經者以次補伴讀，著為式。既而孟等言：方今進用儒者，而老成日以凋謝，四方儒士有成材者，請擢任國學翰林秘書。太常或儒學提舉等職，俾學者有所激勸。帝從之。詔自今勿限資給果材，而賢雖白身亦任用之。綱冬，十一月，復以阿散為平章政事。

仁宗皇帝

名愛育黎拔力八達，武宗同母弟也。武宗舍子而立，弟為皇太子，遂嗣位。在位九年。

綱鑑易知錄

元仁宗

壽三十六歲而崩。帝天性恭儉，通達儒術，不事遊畋，不喜征伐，不崇貨利，事皇太后終身不違顏色，待宗戚勳舊，始終以禮，有司奏天祥，每慘惻移時，其孜孜為治，一遵世祖成憲云。

綱壬子，仁宗皇帝皇慶元年春正月，制進翰林國史

院秩。帝諭省臣曰：翰林集賢儒臣，須朕自選用，毋

輒擬奏人言。御史臺任重，朕謂國史院尤重，蓋御史

臺是一時公論，國史院是萬世公論。於是陞翰林國

史院秩從一品，尋敕博選中外才學之士居之。**綱**夏

四月，帝如上都。五月，以阿散為左丞相，張驢為平

章政事。**綱**六月，敕左右勿僥倖乞加官。時朝廷封

國史萬世公論

郝天挺請慎惜名器

復請久任內外官

拜繁多，羣臣無功而受王公之爵者，前後相繼。於是

誠左右勤職業，勿妄僥倖，加官御史中丞郝天挺言

自先帝即位之時，大事初定，故於左右三五有功之

人，爵之太高，遂使近侍之臣因而相襲。王公帥保接

迹於朝，比者雖令追印裁罷，曾未經歲，又復紛然，春

秋云服之不衷，身之災也。語在左傳僖公二年是以朝

廷名器見四卷重則斗升之祿，足以鼓舞豪傑，名器

濫則雖日拜卿相而人不勸矣。又言國初設官在內

須三十月在外，須三周歲考其殿聲顛去最以為黜陟。

比者省院臺部之臣。久者一二歲。少者三五月。其有旬日之間。而屢遷數易者。奔走往來之不服。何暇宜。風布化。參理機務哉。乞自今惟大臣可急闕選授。其餘內外大小官屬。必候任滿。方許超遷。庶免朝除夕。改啓倖長奸之弊。**綱**秋七月。帝還大都。**綱**冬十二月。李孟罷。以張珪為平章政事。**綱**帝欲以伶人曹咬住為禮部尚書。珪曰。伶人為宗伯。何以示後世。力諫止之。**綱**癸丑。二年春。二月。鐵木迭兒罷。以禿忽魯為右丞。

相 立皇后弘吉刺氏。**綱**等。見五卷。出東井。**綱**丞相

禿忽魯言。頻年亢旱。民黎艱食。而又隕霜雨。去聲沙。大象示警。皆由臣等變理。見六十七卷。不職所致。乞罷黜。以

答天譴。帝曰。事豈關汝。其勿復言。**綱**夏四月。帝如上都。五月。以烏伯都刺為平章政事。六月。京師地

再震。**綱**詔以周敦頤程顥程頤張載邵雍司馬光朱熹張栻呂祖謙許衡並從祀孔子廟庭。廣書詔以諸賢從祀者

崇道。統也**綱**秋八月。帝還大都。**綱**冬十一月。初。詔行科舉

綱初世祖時。議定科舉新制。未及行。至是中書省臣

十賢從祀

三歲一開科

復以為言。乃命定其條制。詔天下三歲一開科。蒙古色目人。與漢人南人各命題。蒙古色目人願試漢人南人科目中選者。加一等注授。**綱**京師大旱疫。帝問弭災之道。翰林學士程鉅夫舉湯禱桑林事。以對。帝歎曰。此實朕之責也。赤子何罪。**綱**甲寅。延祐元年春正月。詔求遺逸。二月。秃忽魯罷。以阿散為右丞相。趙世延參知政事。三月。帝如上都。夏六月。敕自今宦者勿得授文階。秋八月。帝還大都。地震。九月。復以鐵木迭兒為右丞相。

職其面

升齋積分法

阿散為左丞相。**綱**冬。詔吏坐贓罪者。黜其面。十二月。復以李孟為平章政事。**綱**復以齊履謙為國子司業。**綱**初。履謙與吳澄俱在國學。既罷去。學制稍廢。至是。復以履謙為司業。乃酌舊制。議立升齋積分之法。每季考其學行。以次第升。既升上齋。踰再歲始與。私試辭理俱優者一分。辭平理優者為半分。歲終積至八分者為高等。禮部集賢歲選六人。以貢。帝從其議。

綱乙卯二年春正月。遣使巡行天下。

分十二道。問民疾苦。黜陟官吏。

綱 三月初賜進士護都沓兒張起巖等五十六人及

第出身有差分進士為兩榜蒙古色目人為右漢人

及第甲皆正七品第發仁宗誠可謂有元文明之下

三中正八品兩榜並同明主矣前書初詔行科舉此

書初賜進士元自混一至是歷三主四十餘年所未

嘗行至仁宗而始行之則其興賢育才之意良可見

矣是以皇慶延祐之治號稱治平良以此也若仁宗

者誠功光祖宗德垂後世而屹然為一代之規模焉

耳豈不綱 張驢罷 夏四月帝如上都 綱 五月成紀

縣今陝西鞏昌府秦州山移 固是夜疾風電雹北山南移至西

河川次日再移平地突出上阜高者二三丈陷沒民

居監察御史馬祖常言山不動之物今而動焉山在

仁宗有元文明之主

屹然為一代之規模

山移

加宦官人學士

野有常用不用之賢在官有當言不言之佞故致然

耳 綱 加宦官續元暉昭文館大學士 綱 去年夏書教

得授文階至是年五月備克踰蕃而書加宦者續綱

元暉昭文館大學士曾謂學士之職非文階乎

秋八月帝還大都 以趙世延為御史中丞 冬

月以郭貫為參知政事 綱 十一月彗見紫微垣 卷上

八 救 綱 立武宗子和世球 臘為周王出鎮雲南 綱 仁

此舉即宋太宗之所為也 綱 初武宗既立帝為太子

其有負於武宗也多矣

後丞相三寶奴復勸立和世球名康里脫脫言之脫

脫曰太弟曩定宗社居東宮已久兄弟叔姪世世相

仁宗即宋太宗所為

承孰敢紊其序乎。三寶奴曰：今日兒已授弟，異日能保叔授其姪乎。脫脫曰：在我不可渝也。彼失其信，天實鑒之。至是議立太子，丞相鐵木迭兒欲徵，邀龍請立皇子碩德八剌，又與太后幸臣失烈門譖王於兩宮，遂封為周王，遣出鎮雲南。綱詔免江浙等三省自實田租二年。

綱丙辰三年春二月，帝如上都，平章政事張瑄謝病歸。綱太史令郭守敬卒。守敬之學長於天文水利，太史令王恂以學自負，每見守敬制度精巧，深歎服。

郭守敬天
文水利

之。王禕曰：自宋以來，學皆於天文水利之故，不講久矣。守敬獨能任其絕學，度越往古，以成代之制。

綱夏五月，以伯鐵木兒蕭拜住並為平章政事。秋八月，帝還大都。綱冬十月，以趙孟頫為翰林學士，承旨。曰：帝在東宮，素知其名，及即位，召除集賢侍講學士。至是拜翰林學士，承旨。有閒諫之者，言國史不宜命孟頫與。帝曰：子昂，孟頫世祖所簡拔，朕置之館閣，使典述作，傳之後世，此屬歎歎。鑄也。何也。復厚賜之。

廣子昂以趙宋宗室，臣事繼元，其醜固不足言矣。若其脩史至張弘範襲厓山之日，其視陸秀夫張世傑為何如人矣。嗚呼！悲哉。綱日其時月而大書之者，愧子昂於千古也。綱十一月，周

愧子昂於
千古

其時月而大書之者，愧子昂於千古也。綱十一月，周

綱鑑易知錄

卷九

二

王和世瑛逃居漠北。立子碩德八剌為皇太子。

綱丁巳四年春三月帝如上都。綱夏四月不雨。帝

嘗夜坐謂侍臣曰。雨暘不時。奈何。蕭拜住曰。宰相之

過也。帝曰。卿不在中書邪。拜住惶愧頓首。帝露香禱

於天。既而大雨。左右以雨衣進。帝曰。朕為民祈雨。何

避焉。綱五月以赤因鐵木兒阿上海牙並為平章政

事。六月鐵木迭兒罷。以阿散為右丞相。以烏伯

都剌復為平章政事。秋七月李孟罷。以王毅為平

章政事。綱賜衛上錢帛。帝出見衛上有弊衣者。駐

露香禱天

馬祖常諫
飲酒及居
東宮

馬問之。對曰。戍守邊鎮餘十五年。以故貧耳。帝曰。

此輩久勞於外。階守臣未嘗以聞。非朕親見。何由知

之。自今有類此者。必言於朕。因命賜之錢帛。綱八月。

帝還大都。帝在御已久。猶居東宮。而飲酒無度。監

察御史馬祖常上書言。天子承天繼統。當極保愛。玉

食之御。猶審五味之宜。酒醴之供。可不思百拜之義。

大內正衙朝賀之地。雖陛下不忘東宮之舊。竊慮起

民閒觀聽之疑。且國家百年朝儀。尚闕誠使羣臣奏

對之際。御史執簡。史官執筆。則雖有懷奸利乞官賞

綱鑑易知錄

卷九

元仁宗

二三

者不敢出諸其口。乞令中書集議。或三日二日常出視朝。則治道昭明。生民之福也。綱九月。以伯答沙為右丞相。阿散復為左丞相。初阿散奏事畢。帝問曰。卿等日所行者何事。對曰。奉行詔旨而已。帝曰。卿等何嘗奉行朕旨。雖祖宗遺訓。朝廷法令。皆不遵守。夫法者所以辨上下。定民志。自古未有法不立而天下治者。使人看制法。宰相能守法。則民知畏。避免於刑戮。若法弛民慢。怨言並興。求治難矣。阿散因言故事。丞相必用蒙古勳臣。阿散西域人。不厭聲人望。因

寫金字佛經

懇辭。遂以宣徽使伯答沙為右丞相。阿散仍左丞相。綱嶺北地震三日。

綱戊午。五年春。二月。寫金字佛經。夏四月。以千奴

史彌並為平章政事。帝如上都。秋八月。帝還大

都。九月。以赤列赤為平章政事。

綱己未。六年夏。四月。帝如上都。綱以鐵木迭兒為太

子太師。鐵木迭兒家居未逾年。復寅緣起為太

子太師。中外聞之。莫不驚駭。時御史中丞趙世延論

其不法數十事。并內外臺劾其不可輔導。東宮者。又

趙世延論鐵木迭兒

四十餘人。然以太后之故，皆不聽。綱揚州火，燬官民萬三千三百餘區。綱六月，山東淮南諸路大水。秋八月，帝

還大都。冬十二月，詔太子參決朝政。

綱庚申七年春正月朔日，食帝崩。廟號仁宗，國語稱曰普顏篤皇帝。

綱伯答沙罷。綱太后以鐵木迭兒為右丞相，日帝崩

方四日，鐵木迭兒遂以太后命復入中書。後數日參

議省事，乞失監有罪，應杖。太后又欲笞之，太子曰：不

可。法者天下之公，徇私而輕重之，非所以正天下也。

徽政院使失烈門復以太后命請遷轉朝官，太子曰：

法者天下之公

此豈除官時邪？且先帝舊臣，豈宜輕動？俟予即位之

後，議於宗親元老賢者任之。邪者黜之可也。綱二月

太子以黑驢趙世榮並為平章政事。綱鐵木迭兒殺

前中書平章政事蕭拜住，御史中丞楊朶兒只。以蕭拜住

及朶兒只攻其綱三月太子即位，大赦。尊皇太后

為太皇太后，皇后為皇太后。加鐵木迭兒太師。綱

奪李孟封爵，左遷為集賢侍講學士。綱鐵木迭兒以

孟初不附已，讒構於上，盡奪其前後封拜制命，仆其

先墓碑，左遷為集賢侍讀學士，欲因其不就中害之。

李孟拜命欣然

却七寶帶

孟拜命欣然。帝謂鐵木迭兒子八爾吉思曰：爾輩謂孟不肯為是官，今何如？由是無敢言者。綱以拜住為平章政事。夏四月，帝如上都。綱近臣獻七寶帶，却之。目有獻七寶帶者，因近臣以進。帝曰：朕登大位，不聞卿等進賢而為人獻帶，是以帶誘朕也。其還之。綱阿散罷，以拜住為左丞相，乃刺忽塔失、海牙並平章政事。綱平章政事，黑驢御史大夫秃秃哈等謀逆，謀廢伏誅。綱以鐵木兒脫為平章政事。六月，以康里脫脫為御史大夫。秋七月，乃刺忽罷，以廉恂為

始服袞冕享太廟

平章政事。綱八月，下四川平章政事趙世延獄。目初世延既解中丞，出為四川平章。鐵木迭兒猶怨之，不已。仁宗崩，即屬祝其黨，誣告之。逮世延置對，既遇赦，猶鍛鍊成獄，請置極典。詔以經赦，置不問。鐵木迭兒更以他事罔上，繫之於獄，逼令自裁。世延終無屈。綱冬十月，帝還大都。綱十一月，始服袞冕，享太廟。帝將以四時躬享太廟，命禮官與中書翰林集議其禮。制曰：此追遠報本之道也。母以朕勞於對越。詩：周頌天越，而有所損焉。至是以恭謝太廟，乃備法駕，服袞於也。

冕以行禮。至仁宗室。輒歔歔悲泣氣咽。流涕左右莫不感慟。自是始以明年正月四時親享。歲以為常。禮畢還宮。鼓吹交作。萬姓聳驚觀。百年廢典。一旦復見。至有感泣者。**綱**河南饑。帝問其故。羣臣皆莫對。帝曰。良由朕治道未洽。卿等又不盡職。致陰陽不和。災害荐至。自今宜各務勤恪。以應天心。毋使吾民重困。**綱**詔上書言事者得專達。

英宗皇帝

名碩德八剌。仁宗嫡子。在位三年。為御史大夫。鐵失所弑。年二十一。帝性至孝。仁宗不豫。焚香告天。泣願身代。及嗣位。事多明斷。然以果於刑戮。奸黨畏誅。遂構大變。

罷元夕張燈禁中

綱辛酉。英宗皇帝至治元年。春正月。罷元夕張燈。于禁中。帝欲以元夕張燈。禁中為鰲同山。時張養浩以禮部尚書參議。中書省事。遂具疏。因拜住以諫曰。世祖臨御三十餘年。每值元夕。閭閻之間。燈火亦禁。況闕庭宮掖掖宮旁舍之嚴邃。尤當戒慎。今燈山之構。所玩者小。所繫者大。所樂者淺。所患者深。帝大怒。既而喜曰。非張希孟字養浩不敢言。即罷之。賜養浩尚服金織幣。以旌其直。**綱**二月。殺監察御史觀音保等。目時敕建西山在直隸順天府城西佛寺甚亟。御史觀音保鎖咬

臣倭佛殺諫

兒哈的迷失成珪李謙亨以歲饑且東作春月歲功方興所當作起之事也虞書平秩東作方興上章極諫帝怒殺觀音保鎖咬

兒哈的迷失杖珪謙亨流奴兒干地綱三月帝如上

都。以鐵失為御史大夫領侍衛親軍都指揮使綱

夏四月遷武宗子圖帖睦爾于瓊州今廣東瓊州府綱六月

以只兒哈郎為平章政事。秋九月帝還大都。冬

十二月立皇后亦啓烈氏。

綱壬戌二年春正月敕有司卹孔氏子孫貧乏者綱

二月以欽察買閭並為平章政事。夏四月帝如上

卹孔氏子孫

都。秋八月鐵木迭兒卒。太皇太后弘吉刺氏崩

綱九月京師地震綱冬十月以拜住為右丞相鐵木

死進拜住右丞相遂綱復以張珪為平章政事

綱癸亥三年春正月起王約吳元珪韓從益商議中

書省事吳澄為翰林直學士綱拜住為相即為綱

時約等以年老致仕丞相拜住一新政務尊禮老臣

傳詔復起約等俾以其祿家居每日一至中書省議

事。至治之政多所參酌澄延祐仁宗初詔起為集賢

直學士以疾不果行。至是以拜住薦起為翰林直學

拜住尊禮老臣

吳澄辭序
藏經

士綱出趙世延于獄。綱二月敕寫金字藏經。時方書金字藏經。帝在上都。使左丞速速詔學士吳澄為序。澄曰。主上寫經為民祈福。甚盛舉也。若用以追薦臣所未諭。蓋福田利益。雖人所樂聞。而輪回之說。不過謂為善者死。則上通高明。其極品與日月齊光。為惡者死。則下淪污穢。其極下與沙蟲同類。其徒遂創為薦拔之論。以惑世人。今列聖之神。上同日月。何庸薦拔。且自國初以來。凡寫經追薦。不知其幾。若未效。是無佛法矣。若已效。是誣其祖矣。撰為文辭。不可。

以示後世。

綱

吳澄拒元人之詔。可謂不惡而嚴者矣。道學之寄。豈日無人。

綱

三月。

帝如上都。

綱

夏六月。人風拔木。綱奉元行宮正殿災。

帝語。

綱

羣臣曰。世皇建此宮室。至朕而燬。實朕不能圖治之故也。嘗御大安閣。見太祖世祖遺衣。皆練

兼。并素木綿。重加補綴。差歎良久。謂侍臣曰。祖

宗創業艱難。服用節儉。乃如此。朕焉敢頃刻忘之。綱

觀英宗不敢忘其祖之節儉。其首方乃祖田舍翁。過於乃祖於田舍翁者遠矣。綱

秋八月癸亥。御史大夫鐵失弒帝于南坡。及右丞相

拜住。綱初鐵木迭兒既奪爵籍產。是年六月。追奪鐵

木迭兒官爵籍沒。

英宗不忘
先祖節儉

其家鐵失等以奸黨不安。帝在上都。以夜寐不寧。命作佛事。拜住以國用不足。諫止之。既而懼誅者。復陰誘羣僧言國當有厄。非作佛事大赦。無以禳之。拜住叱曰。爾輩不過圖得金帛而已。又欲庇有罪邪。奸黨聞之益懼。乃生異謀。至是帝自上都南還。駐蹕見六卷南坡。是夕鐵失與知樞密院事也先鐵木兒諸王。按梯不花等謀逆。鐵失先與前平章政事赤介鐵木兒殺右丞相拜住。而鐵失直犯禁幄。手弑帝於臥所。時年二十一。廟號英宗。國語稱曰格堅皇帝。綱諸王按梯不花等奉

璽綬迎晉王也先鐵木兒。裕宗之孫。晉王甘麻剌長子。襲封晉王。仍鎮北邊。

于北邊。九月。晉王即位于龍居河。赦綱以也先鐵木

兒為右丞相。倒刺沙為平章政事。鐵失知樞密院事。

綱冬十月。鐵失也先鐵木兒等伏誅。以烏伯都刺

為平章政事。十一月。帝至大都。綱追尊考晉王為

皇帝。母弘吉刺氏為皇后。廟號顯宗。

泰定皇帝。名也孫鐵木兒。顯宗之長子。裕宗之嫡孫。初嗣晉王。及英宗遇弒。以支庶入繼帝統。

在位四年。壽三十六歲而崩。帝在位災異迭見。然守成法以行。天下無事。稱治平焉。

綱甲子。泰定皇帝泰定元年春正月。以乃蠻台為平

章政事。名圖帖睦爾于瓊州見上。二月開經筵。

江浙行省左丞趙簡請開經筵及擇師傅令太子

及諸王大臣子孫受學。章上遂命平章政事張珪翰

林學士承旨忽都魯都兒迷失學士吳澄集賢直學

士鄧文原王結等以帝範見四五資治通鑑見七二

大學衍義見八六貞觀政要見六二等書進講。綱立

皇后八不罕氏立子阿速吉八為皇太子。夏四

月帝如上都。大風地震。秋八月帝還大都。封

圖帖睦爾為懷王。徙雲南王王禪為梁王。

綱乙丑二年春正月命懷王圖帖睦爾出居建康江今

南江寧府。三月帝如上都。綱夏四月革大臣兼領軍務

目參知政事左塔不花言大臣兼領軍務前古所無

鐵失以御史大夫也先帖木兒以知樞密院事皆領

衛兵如虎而翼見二十六故成逆謀乞軍衛之職勿以

大臣領之庶動舊之家得以保全從之仍賜幣帛以

旌其直。綱秋九月帝還大都。冬十二月以塔失鐵

木兒為右丞相。

綱丙寅三年春二月以察乃為平章政事。帝如上

都綱秋七月帝還大都

綱丁卯四年春正月帝如上都夏四月旱蝗民饑

綱秋八月山崩地震閏九月帝還大都

綱戊辰致和元年文宗皇帝圖帖帖睦爾天歷元年春二月帝如上都

命簽樞密院事燕帖木兒等居守綱徙懷王圖帖睦

爾于江陵今湖廣荊州府江陵縣綱秋七月帝崩于上都文宗

立廟諡世止稱為泰定帝

王禕曰武宗以兄弟相及約繼世子孫迭居大位而仁宗惑於儉言不守宿諾傳位英宗乃使武宗二子明宗文宗出居於外及英宗遇弒而明宗在北文宗在南晉邸乘間入繼大統或謂

晉邸非所宜立雖然晉王於世祖孫也於次為長雖守藩服嘗有盟書人而國統之弗繼則求所當立者舍晉王之系將誰屬邪然則謂晉邸非所宜立者亦過也借傳英宗之弒晉邸與聞乎故其歿不與請諡升祔之典明其為賊也然考之實錄皆不得其實傳聞之謬烏可信哉

綱八月簽樞密院事燕帖木兒謀逆執中書省御史

臺臣烏伯都刺等下之獄遂遣使迎懷王圖帖睦爾

于江陵綱皇太子阿速吉八即位於上都遣梁王王

禪右丞相塔失帖木兒將兵分道討燕帖木兒九年

改元廣書皇太子書討燕帖綱懷王圖帖睦爾入京

天順義木兒正名定罪也師目以明里董阿闊闊台速速並為平章政事曹立

為右丞伯顏為御史大夫趙世延為御史中丞高昌
王鐵木兒補化知樞密院事綱九月圖帖睦爾殺平
章政事烏伯都剌流左丞朶朶等于遠州綱圖帖睦
爾襲帝位綱圖帖睦爾既至燕帖木兒以為擾攘之
際不正大位不足以係天下之志圖帖睦爾以其兄
周王和世㻋在漠北欲虛位俟之燕帖木兒曰人心
向背之機閒不容髮一或失之噬臍無及見四七圖
帖睦爾曰必不得已當明吾志播告中外遂即帝位
改元天曆詔天下曰謹俟大兄之至以遂固讓之心

文宗欲虛
位俟明宗

大赦封燕帖木兒為太平王右丞相知樞密院加伯
顏大尉綱冬十月圖帖睦爾兵陷上都梁王禪遁
走遼王脫脫死之帝不知所終綱十一月圖帖睦爾遷泰
定皇后弘吉刺氏于東安州遣使迎周王和世㻋
于漠北

明宗皇帝名和世㻋武宗長子在位八月為文宗所弒

綱己巳天歷二年春正月周王和世㻋稱帝于和寧之北

綱二月圖帖睦爾立其妃弘吉刺氏為皇后綱追尊

周王母亦乞烈氏唐兀氏並為皇后亦乞烈氏周王母唐兀氏

圖帖睦爾追尊周王母者兩母也圖帖睦爾三月圖帖睦爾遣燕帖

木兒奉皇帝寶赴漠北夏四月周王以燕帖木兒為

太師周王遣使立圖帖睦爾為太子以徹里帖

木兒為平章政事綱秋七月太白經天見四

天人相與之際甚可畏也是時圖帖睦爾以燕帖

之心其謀未露而其徵已見天象昭昭特以著其骨

肉相殘之慘耳是故唐太宗之殺建成示吉而太白

見秦分圖帖睦爾之殺周王而太白經天變不虛生

信綱八月丙戌周王次旺忽察都名圖帖睦爾入見

庚寅王暴卒廟號明宗胡粹中日聞之故老言燕帖木兒奉一璽授明

立弟為太子
太白經天

而帝暴崩燕帖木兒聞哭聲即奔入帳中取寶璽扶文宗上馬南馳本史乃言皇太子入哭盡哀燕帖木兒以皇命奉皇帝寶璽授太子其說不合豈當時忌諱有不敢明言之者歟

綱圖帖睦爾以伯顏為左丞相欽察台向兒思蘭海

牙趙世延並為平章政事綱圖帖睦爾復襲位於上

都大赦發書復襲位重貶之也圖帖睦爾篡位之心

故行幄一見兄乃暴卒既沒其兄復襲其位則綱冬

其悖逆之心遂矣此固圖帖睦爾始終之論也

十二月以西僧輦真吃刺思為帝師綱帝師至上命

朝臣一品以下咸郊迎人臣俯伏進觴帝師不為聲

動惟國子祭酒李永魯冲舉觴立進曰帝師釋迦

李永魯狎
高識

加。身毒國賢人瞿曇號曰之徒。天下僧人師也。予釋迦。身毒見十四卷。孔子之徒。天下儒人師也。請各不為禮。帝師笑而起。舉觴卒飲。眾為之栗然。

尺木堂綱鑑易知錄卷九

尺木堂綱鑑易知錄卷九二

周之炯靜專

綱目續編定本

山陰吳乘權楚材同輯

周之燦星若

元紀

文宗皇帝

名圖帖睦爾。武宗次子。明宗之弟。初讓位於兄。尋弑之。在位五年。壽二十九歲而崩。

綱庚午。文宗皇帝至順元年春二月。立明宗子懿璘

質班為郵。王綱以阿上海牙為平章政事。以伯

顏知樞密院事。罷置左丞相。夏五月。帝如上都。

加先聖父母諸賢之時

諸董仲舒從祀孔子

以亦列赤為平章政事。秋閏七月趙世延罷。詔加孔子父母及顏回曾參孔伋孟軻程顥程頤封爵。目孔子父叔梁紇痕入為啓聖王母顏氏啓聖王夫人顏子克國復聖公曾子邾成國宗聖公子思沂國述聖公孟子鄒國亞聖公程顥豫國公頤洛國公。綱

八月帝還大都。綱冬十一月詔以漢董仲舒從祀孔子廟。位列七十。綱是年七月既加先聖父母諸賢之其兩舉皆得其當哉。使無奉佛之非則文宗庶乎其得矣。

綱辛未二年二月以伯散里為平章政事。夏五月

具澄三經纂言

帝如上都。綱六月翰林學士吳澄卒。目澄奏定間謝病歸臨川。今江西撫州府。四方從學者恆數百人。著書至將終不輟。有易春秋禮記纂言及校定皇極經世書。見七

二卷大戴禮。禮記乃七十子所撰而漢之二卷大戴禮刪其重複大戴德小戴聖。等書卒。

贈臨川郡公諡文正。綱秋八月帝還大都。綱詔皇子占刺答納出居燕帖木兒家。更名燕帖木兒。綱冬十一月詔養燕帖木兒之子塔刺海為子。賜居第。綱前書詔皇帖木兒家此書詔養燕帖木兒之子為子則其冠履倒置而紀綱為之大紊矣。安有已之子出居於外而人之子反養之於內乎。文宗但知燕帖木兒之功而不知其所以敗壞國家之故。知有如臣而不知

有公法也。

綱壬申三年夏五月帝如上都。秋八月京師隴西

地震。**綱**帝崩于上都。廟號文宗國語稱**綱**冬十月

王懿璘質班即位。**目**王明宗第子。留居京師帝崩

燕帖木兒請皇后立皇子燕帖古思后不從命立王

時年甫七歲百司庶務咸啓皇后取進止。**綱**以撒迪

為平章政事。十一月尊皇后為皇太后。**綱**鄜王薨

廟號**綱**太后遣右丞闊里吉思迎妥懽帖睦爾于靜

江。**目**明宗子妥懽帖睦爾居廣西之靜江。今桂林府鄜王

薨燕帖木兒復請立燕帖古思皇太后曰吾子尚幼

妥懽帖睦爾在廣西今年十三矣且明宗長子於理

當立乃遣闊里吉思往迎之。

順帝各妥懽帖睦爾明宗長子在位三十五年為明太祖所滅而元亡矣。

綱癸酉四年。順帝元年春三月燕帖木兒死。**綱**夏五月

京師地震。**綱**六月妥懽帖睦爾即位于上都。**目**初妥

懽帖睦爾至自靜江百官具鹵簿。大子儀衛日鹵簿迎於良

鄉。今直隸順天府良鄉縣燕帖木兒既見並傍也馬徐行具陳

迎立之意妥懽帖睦爾幼且畏之。無所答燕帖木

兒疑其意不可測故至京久不得立。適太史亦言其立則天下亂。用是議未能決。遷延者數月至是。燕帖木兒死。皇太后乃與大臣定議立之。約後當傳位於燕帖古思。若武宗仁宗故事。綱以伯顏為太師右丞相。撒敦為太傅左丞相。時有阿魯輝帖木兒者。明宗親巨也。言於帝曰。天下事重。宜委宰相決之。庶可責其成功。若躬自聽斷。必負惡名。帝然之。由是深居宮中。每事決於宰相而已。無所專焉。綱秋八月立皇太后伯牙吾氏。后燕帖木兒之女。綱奎章閣侍書學士虞集謝

虞集自幾明決

病歸

綱於虞集書其官書謝也。病歸者表其見幾明決也。

冬十月封撒敦

榮王唐其勢

撒敦

襲封太平王

綱十一月封伯顏為

秦王。是日秦州

屬陝西鞏昌府

山崩地裂

義秦州山崩地裂於封伯顏之日

所以兆其弒后殺王之虐也。天道之驗可畏哉。

綱甲戌順帝元統二年春正月汴梁

今河南開封府雨。去血

著衣皆赤

綱阿卜海牙罷

以脫別台為平章政事

綱三月

天雨毛

綱彰德

今河南彰德府

路天雨毛如線而絲。民謠云

天雨線。民起怨。中原地事必變。綱水旱疫。民饑。夏

四月帝如上都。綱秋八月赦。是日京師地震。雞鳴山

天雨毛

汴梁雨血

崩。因以湖廣河南自三月不雨。至於是月。及諸路旱蝗。民饑。太白屢晝。見經天。大赦天下。是日京師地震。

雞鳴山崩。陷為池。方百里。人死者衆。廣位之初而災

變之多者。未有甚於順帝也。雖欲不亡。得乎。綱帝還大都。

綱乙亥。至元元年春二月。帝敗柳林。不果行。因帝將

敗於柳林。御史臺臣諫曰。陛下春秋鼎盛。宜思文

皇付託之重。致天下於隆平。今赤縣中國曰赤縣神州之民

供給繁勞。農務方興。而馳騁冰雪之地。倘有銜蹙之

變。見卷十二奈宗廟社稷何。遂止。綱夏五月。帝如上都。

敗柳林不果

綱六月。唐其勢反。伏誅。秋七月。伯顏弒皇后。伯顏氏。因時撒敦已死。伯顏獨秉政。唐其勢忿曰。天下本我家天下。伯顏何人而位吾上。遂與其叔父句答都

王答憐答里潛蓄異心。謀立諸王。是

淡王撒撒禿發其謀。六月晦。唐其勢伏兵東郊。率勇

士突入宮。伯顏及完者帖木兒等掩捕。獲唐其勢。及

其弟塔刺海。誅之。答里走。見火帖木兒所。阿魯渾察

執送上都。戮之。見火帖木兒自殺。初唐其勢事敗。被

擒。攀折殿楹。咸上不肯出塔刺海走匿。皇后座下。后

蔽之以衣。左右曳葉。出斬之血濺薦。激后衣。伯

顏奏并執后。后呼帝曰。陛下救我。帝曰。汝兄弟為逆。

豈能相救。乃遷出宮。伯顏尋殺之於開平民舍。綱九

月。帝還大都。冬十一月。以阿吉刺為平章政事。綱

詔罷科舉。初。徹里帖木兒為江浙平章。會科舉。驛

請試官。供張見九。甚盛。心頗不平。及復入中書。首

議罷科舉。及論學校。莊田。租可給宿衛士衣糧。動當

國者。以發其機。又欲損太廟四祭為一。於是御史呂

思誠等。列其罪狀。劾之不報。皆辭職去。而思誠出為

許有王諫
罷科舉

廣西僉事。時罷科舉。詔已書。而木用輦。參政許有王

力爭。謂之。伯顏怒曰。汝諷臺臣言徹里帖木兒邪。有

王曰。太師擢徹里帖木兒在中書。御史三十人。不畏

太師。而聽有王。豈有王權重於太師邪。伯顏意稍解。

有王乃曰。科舉若罷。天下才人。缺缺。望怨望。伯顏曰。

舉子多以賊敗。有王曰。科舉未行時。臺中賊罰無算。

豈盡出於舉子。伯顏曰。舉子中。可任用者。惟參政爾。

有王曰。若張夢臣。馬伯庸輩。皆可在大事。如歐陽玄

之文章。亦豈易及。伯顏曰。科舉雖罷。士之欲求美衣

食者自能向學有壬曰為士者初不事衣食伯顏曰科舉取人實妨選法有壬曰今通事知印等六下凡一千二百餘名今歲自四月至九月白身補官受宣者亦且七十三人而科舉一歲僅二十餘人科舉於選法果相妨乎不也伯顏心然其言而議已定不可中輟乃溫言慰解之翊日宣詔特令有壬為班首以折浙辱之有壬懼禍不敢辭治書侍御史溥化謂有壬曰參政可謂過橋拆橋者矣有壬以為大恥移疾稱疾不出綱十二月尊皇太后為太皇太后

過橋拆橋

綱丙子二年春二月追尊生母邁來的為皇后夏四月以帖木兒不花為平章政事帝如上都秋九月帝還大都

綱丁丑三年春三月立皇后弘吉刺氏夏四月帝

如上都綱五月民訛言采童男女民間訛言朝廷制取童男女時嫁

娶殆綱彗星見五卷見日凡六十有三日自昴房歷

一十五宿而滅綱秋八月京師地震綱冬十月金

華今浙江處士許謙卒目謙受業金履祥見上之門

履祥曰士之為學若五味之在和去聲醯醢既加則酸

為學若五味之在和

惟為學之功無間斷

不教人以科舉之文

誠頓變。子來見我三日矣。而猶夫人也。豈吾之學無以感發於子邪。謙聞之惕然。居數年。盡得其所傳之妙。履祥既沒。謙益肆充闡。多所自得。自謂吾非有大過人者。惟為學之功無間斷。爾平生制行甚嚴。而所以應世者。不膠於古。不流於俗。屏內跡入華山即金山。府城北。四方之士。不遠百里而來受業。其教人至誠。諄悉內外。殫盡獨不教人以科舉之文。曰此義利之所由分也。不出里閭。垂四十年。中外名臣。列其行義章凡數十上。郡以遺逸。應詔。有司請主文衡。皆莫能

景先生

致。世稱為白雲先生。卒謚文懿。先是何基。王柏俱上

金履祥歿。其學猶未大顯。至謙而其道益著。同時休

寧今江南徽州府休寧縣陳櫟歷婺務源今徽州府胡一桂皆

以講明道學見重於時云。

綱戊寅四年夏四月。帝如上都。回次八里塘。山去雷

大如拳。其狀有小兒環玦獅豹等物之形。綱秋八月

京師地震。帝還大都。

綱已卯五年夏四月。帝如上都。秋八月。帝還大都。

綱冬十一月。詔以伯顏為大丞相。綱伯顏矯詔殺郊

談王徽徵篤。伯顏構陷郊王。奏賜死。帝未允。輒傳旨殺之。又奏貶宣讓王。帖木兒不花。威順王。寬徹。普化。不俟命。即遣之。帝爲之不平。

綱庚辰六年春二月。伯顏有罪。黜爲河南行省左丞相。尋竄南恩州道死。伯顏既誅。唐其勢獨秉國鈞。遂專權自恣。漸有異謀。帝患之。伯顏欲以所養弟子脫脫宿衛。偵見五一帝起居。懼涉物議。乃以知樞密院汪家奴翰林學士承旨沙剌班。同侍禁近。實屬祝意。脫脫故脫脫政令日脩。衛士拱聽約束。伯顏自

大義滅親

領諸衛精兵。以燕者不花爲屏蔽。導從之盛。填溢街衢。而帝儀衛反落落如晨星。勢焰薰灼。天下之人。知有伯顏而已。脫脫深憂之。私請於父馬札兒台曰。伯父驕縱已甚。萬一天子震怒。則吾族赤矣。曷若於未敗圖之。其父亦以爲然。脫脫復質於師吳直方。直方曰。傳有之大義滅親。左傳隱公四年石碏純臣也。惡州吁而厚與焉。大義滅親。其是之謂乎。大夫但知忠於國。爾餘復何顧焉。一日見帝乘閒閒。乘。自陳忘家徇國之意。帝猶未之信。時帝前後左右皆伯顏之黨。獨世傑班阿魯爲帝腹心。乃遣

二人與脫脫遊。日以忠義之言相與往復辨論。益悉其心靡他。遂聞於帝。帝始信之無疑。及伯顏擅貶宣讓威順二王。帝不勝升其忿。決意逐之。一日泣語去脫脫。脫脫亦泣下。遂與世傑班等謀。欲候伯顏入朝。擒之。戒衛士嚴官門出入。螭坳坳。坳堂上。深處也。皆為置兵。伯顏見之大驚。名脫脫責之。對曰：天子所居防禦。不得不爾。然遂疑脫脫。亦增兵自衛。至是伯顏以所領兵衛請。帝出。田脫脫勸帝稱疾不往。伯顏固請。乃命太子燕帖古思出次柳林。脫脫遂與阿魯等合謀。

悉拘京城門鑰。命所親信列布城門下。是夜奉帝居

玉德殿。遣怯薛見八五月可察兒率三十騎抵營中。

取太子入城。又名楊瑀。范匯灰上入草詔數聲。伯顏

罪狀。出為河南行省左丞相。伯顏奏乞陞辭。不許。既

而帝以伯顏罪重。罰輕。復降詔安置南恩州。今廣東肇慶府

陽春縣。屬肇慶府。行次江西隆興驛。在南昌府。病死。綱以馬札

兒台為太師。右丞相塔失海牙為太傅。知樞密院事。

探馬赤為太保。御史大夫汪家奴為平章政事。脫脫

知樞密院。綱彗星見。凡三十日。綱夏五月。帝如上都。綱

廢上遷后

六月詔廢文宗廟主遷太皇太后弘吉刺氏于東安州尋崩放燕帖古思于高麗殺諸途回詔曰昔武宗升遐見七十一卷三十太后惑於儉織慝也俾皇考出封雲南英宗遇害我皇考以武宗之嫡逃居沙漠宗王大臣同心翊戴於時以地近先迎文宗暫總機務繼知天理人倫所在假讓位之名以寶璽來上皇考推誠不疑即立為皇太子而乃當躬迓之際與其臣月魯不花也里牙明里董阿等謀為不軌使我皇考飲恨上賓謂崩也歸而再御宸極又私圖傳子嫁禍於八不

沙皇后至順元年四月皇后弘吉刺氏殺明宗皇后八不沙謂朕非明宗之可

出居遐陬上天不佑隨降殞罰叔嬪不答失里怙其勢焰舍長嫡而立次幼奄復不年諸王大臣以賢以長扶朕踐祚賴天之靈權奸屏黜丙黜永惟鞠育罔極之恩忍忘不共戴天之義其命太常撤去圖帖睦爾在廟之主不答失里削太皇太后之號徙東安州安置燕帖古思放諸高麗當時賊臣月魯不花等已死其以明里董阿明正典刑時監察御史崔敬言文宗既撤廟主嬪母亦削鴻名盡孝正名斯亦足矣惟念

崔敬諫遷放太后皇弟

皇弟燕帖古思年幼播遷天理人情有所不忍方先
 皇上賓皇弟尚在襁褓未有知識義當矜憫伏望陛
 下迎歸太后母子以盡骨肉之義書奏不報未幾太
 后崩於東安州燕帖古思遇害於中道綱秋八月帝
 還大都冬十月馬扎兒台罷以脫脫為右丞相鐵
 木兒不花為左丞相綱十一月詔復行科舉綱時科
 舉既輟翰林學士承旨嚶嚶從容言曰古昔取人
 材以濟世用必由科舉何可廢也帝采其論詔復行
 之

詔復行科舉

詔脩遼金宋三史

綱辛巳至正元年夏四月帝如上都以鐵木兒塔
 識為平章政事秋八月帝還大都

綱壬午二年夏四月帝如上都秋九月帝還大都

綱冬十二月京師地震

綱癸未三年春三月詔脩遼金宋三史綱初世祖立

國史院首命王鶚脩遼金二史宋亡又命史臣通脩

三史延祐年號仁宗天歷年號文宗之間屢詔脩之以義例未

定竟不能成至是命脫脫為都總裁鐵木兒塔識張

起巖歐陽玄呂思誠揭傑奚斯為總裁官脩之或欲

如晉書例以宋為世紀而遼金為載紀或又謂遼立國先於宋五十年宋南渡後嘗稱臣於金以為不可待制王理者祖脩端之說著三史正統論欲以遼金為北史太祖至靖康欽宗年號為宋史建炎高宗年號以後為南宋史一時士論非不知宋為正統然終以元承金金承遼之故疑之各持論不決詔遼金宋各為史凡再閱歲書成上之發凡舉例論贊表奏多玄屬祝筆焉綱夏四月帝如上都秋八月帝還大都綱冬十月親祀太廟綱帝行禮至寧宗室問曰朕寧宗兄也

清江處士

理當拜否太常博士劉闡對曰寧宗雖弟其為帝時陛下為臣春秋時魯僖公閔公以也閔公先為君宗廟之祭未聞僖公不拜陛下當拜乃拜之綱十一月以別兒怯不花為左丞相鐵木兒不花罷綱徵清江今江西臨江府清江縣處士林本不至綱本在武宗時嘗被召至京師即歸隱武夷山在福建建寧府崇安縣中文宗聞其名徵之不起至是脫脫薦之召為翰林待制兼國史院編脩官使者趣促至杭州今浙江杭州府稱疾固辭既又徵處士完者圖執禮哈即董立李孝光張樞樞辭不至

詔以完者圖執禮哈即為翰林待制立脩譏孝光著
作郎或疑其太優右丞相鐵木兒塔識曰隱士無求
於朝廷朝廷有求於隱士區區名爵何足吝惜識者
誦之

綱甲申四年春二月以賀惟一為平章政事既而以

大夫故事臺省正官非國姓不綱三月以納麟為平

章政事夏四月帝如上都五月脫脫罷以阿魯

圖為右丞相綱秋七月溫州今浙江地震海溢綱八

月帝還大都

嚶々進比
于圖

宋徽宗獨
不能為君

綱乙酉五年夏四月帝如上都綱五月翰林學士承

旨嚶嚶來目初嚶嚶知經筵日勸帝就學帝欲寵以

師禮固辭不可帝嘗欲觀畫嚶嚶取比于圖以進

日帝覽宋徽宗畫稱善嚶嚶進曰徽宗多能惟事

不能帝問一事謂何對曰獨不能為君爾身辱國破

皆由不能為君所致凡為人主貴能為君他非所尚

也其隨事規諫皆類此嘗謂人曰天下事宰相當言

宰相不得言則臺諫言之臺諫不敢言則經筵言之

備位經筵得言人所不敢言於天子之前志願足矣

故於時政得失有當匡救者未嘗緘默至是卒綱秋七月以鞏上珽為平章政事八月帝還大都綱九月遣使巡行天下綱時諸道奉使者皆與臺諫交相揜蔽惟巡京畿道西臺中丞定定集賢侍講學士蘇天爵糾舉無所避凡興革者七百八十三事糾劾凡百四十二人綱都人稱天爵為包拯卷六九天爵亦竟以忤時相罷去

蘇天爵比包拯

盜竊太廟主

綱丙戌六年夏四月帝如上都五月盜竊太廟神主秋八月帝還大都冬十一月阿魯圖罷

綱丁亥七年春正月朔日食綱是日大寒而風朝官作者數人綱二月山東地震綱壞城郭有聲如雷三月東平今山東兗州府東平州又震河水動搖綱夏四月帝如上都綱六月復以太平為平章政事秋九月帝還大都鐵木兒塔識卒以朶兒只為左丞相冬十月沿江兵起綱十一月詔選臺閣名臣出為守令

沿江兵起

賜衍聖公銀印

綱戊子八年春三月帝臨國子學綱賜衍聖公銀印陞秩從二品定弟子員出身及省醒親奔喪等制綱帝如上都夏五月霖雨山崩江溢秋八月帝還

大都。綱奎章閣侍書學士致仕。虞集卒。諡文靖。集

性孝友。學博洽。而究極本源。研精探微。心解神契。其

經綸之妙。一寓諸文。頗有宋慶歷。宋仁宗年號乾淳。乾道年號淳熙。

方國珍兵起

俱南宋孝宗。風烈。綱多。十一月。台州。今浙江台州府方國珍兵

起。綱以太不花忽都不花並為平章政事。

綱已丑。九年。夏。四月。以欽察台為平章政事。帝加

長子

上都。綱棗陽童子暴長。國棗陽。今湖廣襄陽府棗陽縣民張八

婦生男甫及周歲暴長四尺許容貌異常。膳腹。腹

也。左傳宣公。擁鼻。腫見人嬉笑。如世俗所畫布袋和

二年。嗜其腹。

尚云。綱秋。七月。朶兒只太平俱罷。以脫脫為右丞相。

綱八月。以伯顏為平章政事。

綱庚寅。十年。春。正月。以恂思監為平章政事。夏。四

月。帝如上都。綱六月。有星入于北斗。日大如月。震聲

如雷。綱秋。八月。帝還大都。冬。十月。方國珍攻溫州。

綱辛卯。十一年。天完主徐壽輝治平元年夏。四月。詔脩河防。左遷

工部尚書成遵為河閒鹽運使。以賈魯為總治河防

使。初。黃河決脫脫。集羣臣廷議。言人人殊。惟漕運

使賈魯以為必塞北河。疏南河。使復故道。役不大興。

有入北

害不能已。於是遣工部尚書成遵與大司農禿魯行

上聲。視河議其疏塞之方以聞。遵等自濟寧濟寧

今山東東濟寧 今山東東濟寧

州。濮昌府濮州。汴梁見上大名。今直隸大名府。行數千里。

掘井以量地之高下。測岸以究水之淺深。博采輿

論以謂河之故道斷不可復。且曰山東連歉民不聊

生。若聚二十萬衆於此地恐他日之憂。又有重於河

患者。時脫脫先入魯言及聞遵等議怒曰汝謂民將

反邪。自辰至酉論辨終莫能入。明日執政謂遵曰脩

掘井測岸

兩河之議。遵曰腕可斷。議不可易。遂出遵河閒。直今

隸河鹽運使。詔開黃河故道。命魯以工部尚書充河

閒使。河南南北兵民十七萬。自黃陵岡南達白茅。放

於黃岡哈只等口。又自黃陵西至陽青村。凡二百八

十里有奇。興功凡五閱月。諸埽隄岸日埽成。河

復故道。趙授魯集賢大學士。賜脫脫世襲答刺罕之

號。其餘遷賚有差。先是河南北童謠云石人一隻眼。

挑動黃河天下反。及魯治河。果於黃陵岡得石人一

眼。而汝穎之兵起。綱帝如上都。綱五月。潁州劉福通

河南北童謠

劉福通李二徐壽輝等兵起

蕭縣李二羅田徐壽輝等兵起。先是四方盜賊蜂起，有司不能制。及發丁夫開河，民心益愁怨，思亂。有韓山童者，樂城今直隸真定府樂城縣人，自其祖父以白蓮會燒香惑眾，謫徙未平。今直隸未平府至是山童倡言：天下大亂，彌勒佛下生，河南及江淮愚民翕然信之。潁州屬南鳳陽府劉福通與杜遵道、羅文素、盛文郁、王顯忠、韓咬兒復詭言：山童實宋徽宗八世孫，當為中國主，遂同起兵，以紅巾為號。縣官捕之急，山童就擒，其妻楊氏及其子韓林兒逃之武安。今湖廣長沙府惟福通黨盛不可

制朝廷乃命同知樞密院禿赤以兵擊之。福通既破

潁州，遂據朱臯。即平臯，今河南南陽府裕州有平臯城。攻羅山上蔡真

陽、確山。四縣俱屬河南府。諸縣尋犯舞陽、葉。攝。二縣俱屬南陽府。

縣陷汝寧府及光今汝寧府光州息今汝寧府息縣二州，眾至十萬。

蕭縣屬江南徐州李二號芝麻李，亦以燒香聚眾，與其黨

趙均用、彭早住攻陷徐州。據之。羅田今湖廣黃州府羅田縣徐

壽輝與倪文俊、鄒普勝等聚眾舉兵，亦以紅巾為號。

攻陷蘄水縣。屬黃州府。及黃州路。綱：秋八月，帝還大都。綱

冬十月，饒信等兩去聲。泰。回信州。今江西廣信府及邵武。今福建邵

饒信等路 兩泰

綱目卷之九十一 十七

徐壽輝稱帝

武雨黍粟屬苗似蘆高丈餘穗黑色實圓饒州今江西府重土宜高燥以大暑而種故名黍建寧今福建府建寧府雨黑子大如黍菽也衢州今浙江黍民多取而食之綱徐壽輝稱帝于蘄水都蘄水為完自稱皇帝改元治平綱十一月有星孛于西方

綱王辰十二年春正月徐壽輝兵破漢陽今湖廣諸

郡威順王寬徽普化等棄城走二月破江州今江西

總管李黼死之綱以月魯不花為平章政事綱定遠

郭子興兵起破濠州

今江南鳳陽府定遠縣郭子興等兵起破濠州即鳳陽府目子興見

汝穎兵起列郡騷動遂與其黨孫德崖等舉兵自稱

秦不華死節

元帥收拔濠州據之徹里不花率兵欲復濠城憚不敢進惟日掠良民為盜以邀賞由是民益恟恟不安其豪傑咸投入城以自保綱三月徐壽輝破袁今

西袁今江西瑞今江西饒信俱見徽今江南等州綱詔省臺

官兼用南人目自世祖以後臺省之職南人斥不用

至是始復舊制詔南人有才學者並許用之綱台州

見上五路達魯花赤見入五秦不華與方國珍戰于澄

江死之目先是國珍入海燒掠沿海州郡朝廷遣大

司農達識帖木邇招降之至是朝廷方征徐州命江

綱目卷之九十一 元順帝

浙募舟師北守大江國珍懷疑復劫其黨入海泰不
 華遣義士王大用往諭國珍拘留不遣其戚黨陳仲
 達往來議降泰不華具舟張受降旗乘潮下澄江觸
 沙不行垂與國珍遇呼仲達申前議仲達自動氣索
 泰不華覺其心異手斬之即前薄博也賊船奮擊之
 賊羣至欲抱持入其船泰不華瞋稱人目怒而張此
 之奪刀殺賊賊攢槊刺之中頸死猶植立不仆投其
 屍海中事聞追贈江浙平章封魏國公諡忠介綱隴
 西今陝西鞏昌府隴西縣地震匝凡百餘日城郭頽圯疾也陵

死猶植立不仆

谷變遷定西

今鞏昌府安定縣

會州

今鞏昌府會寧縣

尤甚會州公

宇牆崩獲弩五百餘長者丈餘短者九尺人莫能挽

因改定西為安定州會州為會寧州綱夏四月帝如

上都綱五月徙瀛國公

見九

卷四

子趙完普等于沙州

御史徹徹帖木兒等言諸處羣盜輒引亡宋故號

以為口實宜徙和尚完普及親屬於沙州

今陝西行都司沙州

衛安置禁人交通從之綱秋七月徐壽輝兵襲杭州

江浙參知政事樊執敬戰死董搏霄率兵復之遂復

徽州八月方國珍攻台州浙東元帥也忒迷失擊

走之。綱右丞相脫脫將諸軍擊李二於徐州。大破之。

屠其城。芝麻李遁去。趙均用彭早住走濠州。綱帝還大都。綱冬十月霍

山。即南嶽衡山一名天柱山。在湖廣衡州府衡山縣。崩。目前三日山如雷鳴。

禽獸驚散。殞石數里。綱十一月江西行省平章政事

星吉死節

星吉擊趙普勝戰于湖口。兵敗死之。綱趙均用入濠

州據之。彭早住趙均用奔濠州。遂據濠城。稱王。初二

下之事皆稟命。遂為所制。既而早住死。均用益自專。

綱癸巳十三年春正月以哈麻為右丞。夏四月帝

張士誠起兵高郵

如上都。綱五月泰州張士誠兵起于高郵。由自稱誠

王。知府李齊死之。回士誠白駒場亭民及其弟士德

士信舉兵陷泰州。屬江蘇揚州府。遂據高郵。今揚州府高郵州。稱誠

王。國號大周。建元天祐。已而有詔赦之。使至不得入。

賊給臺上聲言請李知府來。乃受命淮南。治揚州府。行省

強齊往。至則下齊於獄。齊雖辯說百端。而上誠本無

降意。士誠呼齊使跪。齊叱曰。吾膝如鐵。豈為賊屈。士

吾膝如鐵。大科三魁。不負所學。

誠怒。使曳葉倒槌碎其膝。而寡之時論大科三魁。

若李黼。見上。泰不華。見上。及齊皆不負所學云。綱六

月立子愛猷識理達臘為皇太子。赦。秋九月帝還

哈麻進西番僧演撲兒法

大都。冬十二月江浙平章政事卜顏帖木兒等會兵擊徐壽輝于蘄水見上破之。綱哈麻進西番僧于帝曰僧教帝行房中運氣之術號演撲疊兒法。又進僧伽茄璘真善祕密法帝皆習之。詔以西番僧為司徒伽璘真為大元國師各取良家女三四人奉之。謂之供養嘗謂帝曰陛下尊居萬乘富有四海不過保有見現世而已。人生能幾何當受此祕密大喜樂禪定於是帝日從事於其法廣取女子惟淫戲是樂帝諸弟八郎者與哈麻妹婿秃魯帖木兒及老的沙等

皆即元該

冰五色

卜八號倚納皆有寵在帝前相與褻狎甚至男女裸處號所處室門皆即心該猶華言事事無得也。舊臣宜淫而羣僧出入禁中無所禁止醜穢外間皇太子既長深疾二僧等所為欲去之未能也。綱郭子興引兵入滁州。綱時子興患趙均用之專乃領所部萬人入據滁。除州屬江城稱王。綱甲午十四年春正月汴河在河南開冰五色。綱冰皆成五色花草如繪畫。三日方解。綱夏四月帝如上都。秋八月帝還大都。綱九月命右丞相脫脫督諸

軍擊張士誠綱冬十二月以定住為左丞相瑣南班

哈麻並為平章政事綱詔削脫脫官爵安置淮安哈麻

諭脫脫喉御史劾其出師三月略無寸功也以太不花等代總其軍綱帝

製龍舟於內苑

製龍舟於內苑綱帝自製船式長一百二十尺廣二

十丈用水手二十四人皆衣金紫自後宮至前宮山

下海子內往來遊戲行時龍首眼口爪尾皆動又自

製宮漏高六七尺廣半之造木為匱藏壺其中運水

上匱上設三聖殿匱腰立玉女捧時刻籌時至輒

浮水而上左右一金甲神一縣懸鍾一縣鉦命也夜

宮漏

十六天魔

則神人自能按更耕而擊無分毫差鳴鐘鉦時獅鳳

在側者皆自翔舞匱之東西有日月宮飛仙八人立

宮前遇子午時自能搦進度仙橋達三聖殿復退立

如前其精巧絕出人意皆前所未有帝既怠於政治

惟事遊宴以宮女十六人按舞名十六天魔又十一

人奏龍笛頭管小鼓箏篋琵琶笙胡琴響板拍板每

宮中讚佛則按舞奏樂宦官非受秘密戒者不得與

綱乙未十五年宋主韓林兒春二月劉福通以韓林

兒稱宋帝州又號小明王建都亳綱三月竄脫脫于雲

韓林兒稱宋帝

荊州雨血

南臺臣猶論其綱荊州屬直隸都綱夏四月以定住為右丞相哈麻為左丞相桑哥

失里為平章政事雪雪為御史大夫雪雪哈麻弟於

歸其兄綱六月明太祖皇帝起兵自和陽渡江取太

平路綱時四方割據稱雄者衆戰爭無虛日兵亂歲

饑民不聊生壬辰春明太祖皇帝姓朱名元避兵濠

濠州見城有安天下救生民之志乃收納英賢置之

左右遂起兵攻滁州見下之明年又下和陽恩威日

著綱豪傑歸心至是謀渡江取金陵今江西南無舟楫

而巢湖見卷十一水寨軍帥俞通海等率衆萬餘船千

艘來降太祖顧謂諸將曰方謀渡江而巢湖水軍來

附吾事濟矣遂率徐達馮國用鄒榮湯和李善長常

遇春鄧愈耿君用毛廣廖料永安引舟東下首克牛

渚磯見卷三二九遂進攻太平見同拔之耆儒陶安李習

率父老出迎安因獻言曰方今四海鼎沸豪傑並爭

攻城屠邑互相長雄然其志皆在子女玉帛取快

時非有撥亂救民安天下之心明公率衆渡江神武

不殺人心悅服以此順天應人而行弔伐天下不足

安獻言

綱鑑易知錄

卷之三 元順帝

元順帝

平也。綱冬十一月。荅失八都魯擊宋劉福通軍破之。

十二月。遂圍亭。今江西南鳳陽府亳州。福通以其主韓林兒走安

豐。漢縣故城在鳳陽府壽州。綱元哈麻矯詔殺右丞相脫脫

綱丙申十六年春正月。元哈麻雪雪有罪伏誅。綱天

完主徐壽輝據漢陽。今湖廣漢陽府。綱二月。張士誠入平江

今江蘇州府。據之。遂陷湖州松綱三月。明太祖帥師克金

為應天府

陵。改集慶路為應天府。目諸軍水陸並進。至江寧鎮

攻陳兆先營破之。進圍集慶南臺御史大夫福壽督

兵出戰。力不能支。死於兵。太祖入城。召官吏耆老諭

曰。吾率眾至此。為民除亂耳。爾官各安職業。毋恐。於

是民大悅。更相慶慰。遂改集慶路為應天府。分遣諸

將取鎮江。今江蘇鎮江府。廣德。今江蘇廣德州。皆下之。綱方國珍降

兩日復盪

于元。命為海道漕運萬戶。綱是月有兩日相照。綱

李實如黃

夏六月。彰德。見上。李實如黃瓜。目先是童謠云。李生

黃瓜。民皆無家。綱秋八月。彗星。見上。目彗出張宿

。苞青白。指西南。長尺餘。至十二月朔始滅。綱冬十月

星隕化石

星隕大名。今直隸大名府。化為石。目從東南流。芒尾如曳。其

箠。遂掃帚。竹墮地有聲。火焰蓬勃。久之乃息。化為石。青

黑色。形如狗頭。其斷處若新割者。

綱丁酉十七年春正月朔日食。綱三月明太祖兵克

常州。目先是徐達攻常州。今江南常州府。進薄。博。通也。城下張

士誠遣其弟士德以數萬衆來援。達伏兵擒之。由是

士誠氣沮。乃奉書請和。願輸糧犒軍。太祖復書數其

開費召兵之罪。且許其歸。我使臣將校。即當班師。士

誠得書不報。達請益兵圍之。遂下其城。綱夏五月元

以搆思監為右丞相。太平為左丞相。綱明太祖取寧

國等路。目徐達常遇春等兵取寧國。今江南寧國府。攻之久

張文貴死

不下。太祖乃親往督師。既至。守臣楊仲英開門請降。

百戶張文貴殺其妻妾自刎而死。尋遣諸將取江陰。

今常州府。徽州。今江南徽州府。池州。今江南池州府。皆下之。綱六月

有龍鬪于樂清江。綱秋七月元大都書霧。自且至午昏冥不辨

人物。如是者。綱八月張士誠降于元。元以為太尉。

明太祖取揚州。綱九月天完將陳友諒襲殺倪文俊。

友諒。泗陽。今湖廣安陸。漁人子。嘗為縣吏。不樂

會壽輝文俊兵起。慨然往從之。遂為文俊簿書掾。

尋亦領兵為元帥。及文俊專恣。心不能平。至是文

天完將陳友諒

俊謀殺壽輝不果奔黃州。今湖廣黃州府友諒因乘襲殺

之遂併其軍自稱平章。綱冬十一月汾州汾州府

桃杏有花。綱十一月天完將明玉珍據成都明玉珍

隨州。屬湖廣德安府人初聞徐壽輝兵起乃集鄉兵屯於青

山結柵自固未幾降於壽輝及倪文俊陷川蜀。今四川

都令玉珍守之至是文俊死玉珍遂自據成都蜀中

郡縣皆附之。綱元翰林學士承旨歐陽玄卒

綱戊戌十八年春正月天完將陳友諒破安慶。元淮南

南行省左丞余闕死之。先是闕固守安慶。今江南安慶府

桃杏冬花

天完將明玉珍

余闕死節

友諒引軍薄城。博通也城下闕遣兵扼之俄而饒寇攻西

門友諒兵乘東門既登城闕筋死士奮擊敗之至是

池州趙普勝軍東門友諒軍西門饒兵軍南門四面

蟻集闕徒步提戈為士卒先分遣部將督三門之兵

自以孤軍血戰斬首無算而闕亦被十餘創。鏑鎗日

中城陷火起闕知不可為乃引刀自剄墮清水塘中

死妻蔣氏及妾耶卜耶律氏子德臣女安安甥福童

亦皆赴井死同時死者守臣韓建一家被害居民誓

不從賊焚死者以千計

余闕門死節

余闕較勝 卞壹

宋氏濂日闕獨守孤城逾六年小大二百餘戰戰必勝其所用者不過民間兵數千初非有熊虎之師直激之以忠義故甘心效死而不可奪也雖不幸城陷以死而其忠精之氣固自若也然闕死於君而能使妻死於夫子死於父忠道貞節萃於一門較之晉卞壹又似過之矣嗚呼闕其人卞壹見三 豪也哉 註音二卷三

董搏霄死節

綱三月宋毛貴破濟南路元河南行省右丞董搏霄與戰死之 綱濟南今山東濟南府城陷貴入據之時搏霄方駐於南皮今直隸河間府南皮縣之魏家莊詔遣使拜為河南右丞甫拜命能貴兵猝至而營壘猶未完諸將曰賊至當如何搏霄曰當以死報國因拔劍督戰賊突前

無血惟見白氣冲天

空中如有兵戈之聲

搏卒搏霄刺殺之無血惟見白氣冲天是日其弟昂霄亦死 綱大同路治山西大同府夜聞空中有聲 綱初黑氣蔽西方有聲如雷頃之東北方有雲如公交射石中天地俱見現火光空中如有兵戈之聲 綱夏四月天完將陳友諒破龍興今江西南昌府 綱五月宋劉福通破汴梁見上 綱奉其主韓林兒居之 綱山東地裂 綱六月宋將關先生兵破遼州屬山西 遂大掠塞外諸郡 綱冬十一月元左丞相搠思監有罪免以紐的該為左丞相 綱十二月明太祖取婺州務州 綱胡大海兵攻婺州

明取婺州開郡學

今浙江久不克。太祖乃自將精兵十萬往征。拔之。改
婺州路為寧越府。命知府王宗顯開郡學。延儒士葉
儀、宋濂為五經師。戴良為學正。吳沈、徐原等為訓導。
時喪亂之餘。學校久廢。至是始聞絃誦之聲。無不忻
悅。太祖既撫定寧越。欲遂取浙東。未下諸郡。集諸將
諭之曰。克城雖以武。而安民必以仁。吾師比入建康。
即金陵。見上二四。秋毫無犯。故一舉而遂定。今新克婺城。民
始獲甦。政當撫卹。使民樂於歸附。則彼未下郡縣。亦
必聞風而歸。吾每聞諸將下一城得一郡。不妄殺人。

明太祖諭諸將

方國珍附明太祖

輒喜不自勝。蓋師旅之行。勢如烈火。火烈則人必
避之。為將者能以不殺為心。非惟國家所利。在己亦
蒙其福。爾等從吾言。則事不難就。大功可成矣。**綱**宋
關先生兵破上都。焚宮闕。**綱**太白經天。見上卷三三。
綱己亥。十九年春。二月。元方國珍遣使以溫、台、慶元
三郡附於明太祖。先是太祖遣使往慶元。今浙江寧波府
招諭方國珍。國珍與其下謀曰。方今元運將終。豪傑
並起。惟江左號令嚴明。所向莫敵。今又東下。婺州恐
不能與抗。況與我為敵者。西有張士誠。南有陳友諒。

為質子

來獻

高亮有所不及

莫若姑示順從。藉為聲援。以觀其變。遂遣使奉書幣。以溫今浙江溫州府。台今浙江台州府。慶元三郡來獻。且以次子關為質。至。太祖曰。古者慮人不從。則為盟誓。盟誓變而為交質。皆由未能相信故也。今既誠信來歸。使當推誠相與。如青天白日。何自懷疑。而以質子為哉。乃厚賜關而遣之。國珍既又以金玉飾馬鞍轡來獻。太祖曰。吾方有事四方。所需者文武材能。所用者穀粟布帛。其他寶玩非所好也。悉却之。國帝下之與識見自義爾超卓異常觀我太祖之待國珍則知漢之高亮有所不及矣。嗚呼休哉。 **綱**夏四月。趙均用殺宋

日令三人進講經史

毛貴其黨續繼祖執均用殺之。**綱**六月。天完將陳友諒攻信州。今江西廣信府。元江東廉訪使伯顏不花的介往救死之。**綱**秋八月。元察罕帖木兒克汴梁。見上。宋劉福通以其主韓林兒復走安豐。見上。**綱**九月。明太祖兵取衢處州。今浙江衢州二府。**綱**初。太祖克婺州。置分中書省。召儒士許元葉瓚。王胡翰。汪仲山。李公常。金信。徐孳。童冀。吳履。張啓敬。孫履。皆會食省中。日令三人進講經史。敷陳治道。至是克處州。又有薦青田今處州府青田。縣劉基。龍泉今處州府龍泉縣。章溢。麗水今處州府麗水縣。葉琛。及

禮賢館

陳友諒稱
帝國號漢

宋濂者。即遣使以書幣徵之。至建康。比入。見其喜。賜坐。從容與論經史。及咨以時事。深見尊寵。既而命有司。即所居之西。創禮賢館。處之時。朱文忠守金華。復薦王禕。王天錫。至皆用之。

綱冬十二月。天完將陳友諒。徙其主徐壽輝。都江州。今江西九江府。自稱漢王。

綱庚子二十年。漢主陳友諒大義元年。是歲天完亡。凡二國。春三月。彗見東方。

綱夏五月。漢主陳友諒弑其主徐壽輝。遂自稱帝。國號漢。改元大義。

綱辛丑二十一年。秋八月。明太祖帥師伐漢。拔江州。

漢主友諒走武昌。先是友諒引兵犯金陵。敗潰。奔還。尋遣其將張定邊陷安慶府。見上。太祖乃下令諸將曰。陳友諒賊殺其主。僭稱大號。侵我太平。今江平。犯我建康。即金陵。今又以兵陷我安慶。觀其所為。不滅不已。爾等其厲士卒以從。徐達進曰。師直為壯。見八十九卷。今我直而彼曲。焉有不克。劉基曰。取威制敵。以成王業。在此時也。遂督諸帥率舟師。乘風溯流。逆流也。而上。遂克安慶。長驅向江州。分舟師為兩翼。夾擊友諒。大破之。友諒挈妻子夜奔武昌。今湖廣武昌府。既而友諒

偽相胡廷瑞見江州已破遣使詣軍中請降太祖遂

至龍興見上建昌今江西建昌府王溥饒州今江西饒州府吳宏袁

州今江西袁州府歐普祥各率眾來見寧州屬南陳龍及吉

安今江西吉安府孫本立曾萬中皆來降乃改龍興路為洪

都府綱冬十一月黃河清自平陸今山西平陽府平陸縣

門積陸縣東南黃河中流下至孟津見二卷五百里

皆滂凡七日非瑞也見七四綱大饑

綱王寅二十二年春二月彗星見目未幾長星復見

於虛危之間其形如練長數十丈綱三月明玉珍破

黃河清

長星如練長數十丈

雲南夏五月自稱龍蜀王綱六月彗出紫微垣見上

綱癸卯二十三年夏明玉珍天統元吳王張士春

正月明玉珍稱帝于成都建國號曰夏綱二月張士

誠將呂珍入安豐見上殺宋劉福通等據其城明太祖

率兵擊走之綱三月彗見東方綱秋七月漢主友諒

圍洪都明太祖帥諸將討之大戰于鄱陽湖友諒

敗死子理立目初友諒忿其疆場日蹙乃作大艦咸

戰船來攻洪都見上自為必勝之計載其家屬百官空

明玉珍稱帝國號夏

明太祖鄱陽湖之捷

元順帝

國而來以兵圍城其氣甚盛兵戴竹盾上禦矢石攻城城且壞守將朱文正趙德勝鄧愈督諸將死戰且戰且築城壞復完已而德勝中流矢死內外阻絕音問不通文正乃遣使赴建康告急太祖親帥諸將發舟師二十萬進次湖口友諒聞援兵至即解圍東出與我師遇鄱陽湖在江西饒州府鄱陽縣跨南昌饒州南康三府之地即彭蠡也之康郎山戊子徐達常遇春等諸將擊敗其前軍軍威大振明日諸軍接戰至哺補平聲申時東北風起燔其水寨舟數百艘友諒弟友仁友貴及其平章陳普略

皆焚死辛卯復聯舟大戰自辰至午敵兵大敗友諒奪氣其將張定邊欲挾之退保鞋山為我師所扼不得出斂舟自守不敢戰是夕明舟渡淺汨於左蠡彭蠡之左與友諒相持者三日八月壬戌友諒計窮自死突出將奔還武昌見太祖麾諸將邀擊之友諒中流矢貫睛及顛盧頭骨而死擒其太子善兒其平章陳榮以下悉以樓船軍馬來降定邊乘夜以小舟載其屍及其子理徑趨武昌復立理為帝改元德壽既而明太祖復進兵圍之綱張士誠自稱吳王元遣使徵糧

赤氣千里

不與。士誠自立為吳王。即平江治宮室。立官屬。元遣戶部侍郎博羅帖木兒。徵糧於士誠。士誠不與。

綱甲辰二十四年。漢主陳理德壽元年。是歲漢亡。春正月。明太祖

明太祖建國號吳

建國號曰吳。二月。自將伐漢。漢主陳理降。湖廣江西

悉平。時李善長徐達等以太祖功德日隆。屢表勸

進。勸勉進上。帝號也。不允。乃於是月朔。即吳王位。建百司官

屬。以李善長為右相國。徐達為左相國。常遇春俞通

海為平章政事。汪廣洋為右司郎中。張昶唱為左司

都事。諭達等曰。卿等為生民計。推戴予。然建國之初

當先正紀綱。元氏昏亂。紀綱不立。主荒臣專。威福下

移。由是法度不行。人心渙散。遂致天下騷亂。今將相

大臣。當鑒其失。宜協心為治。以成功業。毋苟且因循

取充位而已。二月。以武昌圍久不下。乃親往視師。督

諸將擊之。擒其元帥張必先。既而遣其降將羅復仁

入城。諭陳理使降。理遂率其太尉張定邊等詣軍門

請降。凡府庫儲蓄。悉令理自取。城中民多飢困。命給

粟賑之。於是湖廣江西諸郡縣相繼皆降。江西行省

以陳友諒鑊金牀進。太祖觀之。謂侍臣曰。此與孟昶

陳友諒鑊金牀

七寶溺器見六二四。何異以一牀工巧若此其餘可知。陳氏父子窮奢極靡焉得不亡。侍臣曰未富而驕未貴而侈此所以取敗。太祖曰既富豈可驕既貴豈可侈有驕侈之心雖富貴豈能保乎。即命毀之。綱三月。

明太祖定官制。

日旁有一月一星

大都。綱乙巳二十五年春二月日旁有一月一星。綱夏五月。

大都。綱丙午。

丙午二十六年。是歲春三月夏主明玉珍卒。子昇昇。綱夏四月明太祖兵取淮安。

而祀之。綱秋七月元皇后弘吉刺氏崩。綱九月元以

方國珍為淮南左丞相。分省。綱冬十二月元立奇氏

為皇后。改奇氏為肅良哈

立昇。綱丙午二十六年。是歲春三月夏主明玉珍卒。子昇

立。昇。綱夏四月明太祖兵取淮安。

諸路。綱五月明太祖求遺書。太祖嘗命有司訪求

古今書籍藏之祕府以資覽閱。因謂侍臣詹同等曰

三皇五帝之書不盡傳於世。故後世鮮知其行事。漢

武帝購求遺書而六經始出。唐虞三代之治始可得

而見。武帝雄才大略。後世罕及。至表章六經開闢聖

賢之學。又有功於後世。吾每於宮中無事。輒取孔子

明太祖求遺書

明太祖立宗廟社稷

之言觀之如節用而愛人使民以時真治國之良規。孔子之言誠萬世之師也。綱秋八月元以陳有定為福建行省平章政事。綱九月元以方國珍為江浙行省左丞相。其弟國瑛國珉姪明善並為平章政事。綱明太祖取湖州。今江浙諸路。綱冬十二月明太祖立宗廟社稷。臣皆言新城既建宮闕制度亦宜早定。太祖以國之所重莫先宗廟社稷遂定議以明年為吳元年命有司立廟社建宮室典營繕者以宮室圖進見其有雕琢奇麗者即去之謂中書省臣曰昔堯之時茅茨蓬

節儉是寶

書此愈於丹青

以茅蓋土階采椽不斲。取木為椽不斲削也。可謂極陋。然千古之上稱盛德者必以堯為首。後世競為奢侈。極宮室苑囿之娛。窮輿馬珠玉之玩。欲心一縱亂由是起。吾常謂珠玉非寶。節儉是寶。宮室但取完固而已。何必極雕巧以殫天下之力也。既而新殿成制皆朴素。命博士熊鼎編類古人行事可為鑒戒者書於殿壁。又命侍臣書大學衍義。見八六於兩廡壁間曰前代宮室多施繪畫。書此以備朝夕觀覽。豈不愈於丹青乎。尋命協律郎冷謙考正宗廟雅樂音律及鐘磬

等器既又定樂舞之制文武生各六十四人。

綱丁未二十七年。夏主明并開熙元年。春正月絳州

平陽府夜聞天鼓鳴將旦復鳴其聲如空中戰鬪者。

綱三月明太祖定文武科取士之法。先是令有司

每歲舉賢才及武勇謀略通曉天文之士。其有兼通

書史廉吏亦得薦舉得賢者賞濫舉及蔽賢者罰。至

是復下令曰。上世帝王創業之際用武以安天下。守

成之時講武以威天下。至於經綸撫治則在文臣。二

者不可偏用也。古者人生八歲學禮射御書數之文。

明太祖定
文武科取
士之法

十五。學修身齊家治國平天下之道。是以周官選舉

之制。曰六德。知仁聖六行。孝友睦六藝。禮樂射文武

兼用。賢能並舉。此三代治化所以盛隆也。茲欲上稽

古制。設文武二科。以廣求天下之賢。其應文舉者察

之言行以觀其德。考之經術以觀其業。試之書算以

觀其能。策之經史時務以觀其政事。應武舉者先之

以謀略。次之以武藝。俱求實效。不尚虛文。然此二者

必三年有成。有司預為勸諭。民間秀士。乃智勇之人。

以時勉學。俟開舉之歲。充貢京師。其科目等第各出

身有差。綱秋九月，明太祖兵克平江。見上。執吳王張

士誠以歸。徐達常遇春執士誠。綱冬十月，明太祖命

大將軍徐達等帥師北定中原。目太祖既掃除羣雄

撫有江南，乃遣大將軍徐達副將軍常遇春率甲士

二十五萬北伐，以定中原。馳檄吸諭齊魯、河洛、燕薊

計秦晉之人。綱明太祖定律令，十一月頒戊申曆。綱

明太祖兵討方國珍，降之。綱明太祖兵徇行定山東

郡縣皆下之。目時徐達常遇春引兵由淮入河，鼓行

而東，首克沂州。屬山東進取嶧州。今兗州及益都。今

東青州府於是萊州。今山東諸郡悉奉圖籍來降。○

山東既定，明年達與遇春會諸將於臨清。今山東

州，率馬步舟師進克元都。元主集三宮后妃皇太子

同議避兵北行，詔淮王帖木兒不花監國。慶童為左

丞相，同守京城。夜半開建德門北奔，遇春等追至北

河，擒皇孫買的里八剌而還。元亡。○元主駐應昌二

年，死。壽五十一。在位三十六年。太尉完者等奉梓宮

北葬，諡曰惠宗。太祖以帝知順天命，退避而去，特加

號曰順帝，而封其孫買的里八剌為崇禮侯。

右元十帝共八十九年

浪華 筱崎藥校

尺木堂綱鑑易知錄卷九二天尾

皇漢 西洋

書籍賣捌處

大阪心齋橋通北久太良町

積玉圃 柳原喜兵衛

